



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Consolator Fidelis Et Proficientis Animæ seu  
Exhortatiunculæ Spirituales Et Succinctæ In singulas  
Dominicas & Festa anni divisæ, quibûs Confessarius in S.  
tribunali animam Deum verè quærentem paternè ...**

**Eisvogel, Veremund**

**Augustae Vindelic., 1727**

Julius.

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)



396 II. Julii. Visitationis B. V. Mariæ.

Apostolos? Quando inter Jesu Christi  
Confessores? Si voluntati nostræ per-  
versæ renunciaverimus cum S. Paulo  
clamantes: Domine! quid me vis  
cere?

*Instructio meritoria.*

Abnegatio sui ò quàm necessaria vi-  
tus! quàm utilis! proficua! quam  
acquiramus, duodecim actus statuamus  
voluntati, vel judicio proprio direc-  
tissimos, quos & Patri spirituali exhibe-  
amus pro sancta benedictione. Sicut  
Patre errat filius.

JULIUS.

Festum Amicissimæ Visitatio-  
nis Beatissimæ Virginis Mariæ.

EXHORTATIUNCULA I.

**E**Xurgens Maria abiit in montana.  
Non curat ardua montium itinera.  
Amor dulcoravit omnia. Quò pergi-  
mus? Fili! nunquid ad montem sancti-  
tatis, & Christianæ perfectionis? Quis  
eò pertinet? Qui pigrum odit, &  
aversatur cum otio, & labores æstimat.

*In.*



*Instructio meritoria.*

Fugiamus desidiam, amemus labores! Hi sancti sunt. Probemus hunc amorem frequenti Ecclesiæ visitatione. Qui templa amat, scit, ubi virtutis & Divinæ gratiæ assyla. Novies *Magnificat* recitemus. Quid dulcius? Quid jucundius? Quid acceptius Jesu & Mariæ hoc Canticô?

II.

**V**isitavit Maria Elisabetham, & exultavit parvulus in utero matris. O si Jesus! O si Maria & S. Josephus nos inviserent pugnantes, & agonizantes pro æternitate! O si suâ consolarentur præsentiam! Quàm beata! quàm hilaris tunc nostra foret anima! Et quid impedit, ut non veniant? Sola harum Sanctarum personarum turpis oblivio.

*Instructio meritoria.*

Si hæc in nobis, reparare licet. Statuamus, in singulas septimanas vel semel v. g. die Martis *Lytanias de potenti Consanguinitate Jesu, Mariæ, & Josephi* persolvere, vel *novem Pater, & Ave* in honorem novem Mensium, quibus

R. 7

Maria



Maria sub Virgineo portavit utero Verbum incarnatum. O Maria! sic est. Quomodo te colimus, sic nos tu visitas.

## III.

**U**bi Maria, ibi gratia, Benedictio, & sancta lætitia. Testor S. Joannem Baptistam, qui exultavit in utero ad adventum Immaculatæ Virginis. Sic innocentia, sic puritas à Deo honoratur. Volumus & nos quotidie exultare in Deo: salutari nostro? Volumus & in tempore justificari & sanctificari? Mundiciem cordis æstimemus, & æstimandô cautè custodiamus.

*Instructio meritoria.*

Matrem Immaculatam filius decem immaculatus. Pia colloquia misceamus hodie. Dolentes, & afflictos consolemur. *Officio minori* de Immaculata Conceptione nos ipsos in puritate roboremus. O puritas! O cordis mundities! quàm modica es hominibus! quàm vilis sæculo!

Festum



Festum S. Udalrici Augustanæ  
Dioeceseos Patroni, & Thavmatur-  
gi Clementissimi.

EXHORTATIUNCULA I.

**O** Parvulum cœlo natum ! Ut pue-  
rulus ab omni jam refugit intem-  
perantia, habitu, sensu, vultu, & mori-  
bus simillimus angelo. O fili ! quot, &  
qualia in S. adolescentulo habemus do-  
cumenta ! Sunt alia pericula ! sunt &  
alia tempora nobis ! Ni nos observaveri-  
mus rigidè, immodestia, & ingluvies  
prævalebunt sæpiùs.

*Instructio meritoria.*

In quolibet corporali solatio recorde-  
mur reflexè intentionis rectæ cum pro-  
testatione sancta : *Domine Jesu ! Non  
corpus, non gustum, sed animam, &  
mentem refice.* Ideò & consultum, ut  
memoriter discamus Rhythmum amo-  
ris : *Anima Christi sanctifica me, Cor-  
pus Christi salva me.* O quàm dulcia  
& jucunda in eo latent pascua !

II. Mag-



## II.

**M**agnus erat S. Udalricus Verbô, & exemplô, plus tamen exemplô. Carnibus vescatur nunquam. Nudâ humô utebatur lectuli locô, cum D. Paulo dicens corpori suo: Castigo te, & in servitutem redigo, ne, cum alius prædicaverim, ipse reprobus inveniat. O fili mi! Quî placet hoc Udalrici vitæ & austeritatis genus, atque relictum ad sequelam exemplum? Sumus, & vivimus inter homines: Væ nobis, si minus exemplares!

*Instructio meritoria.*

Scandalum inter Christianos ô quantum malum! Ut nostrâ pietate impediamus, & viros in spiritu, & virtute magnos excitemus, quorum sanctitate absterreantur mali, versus quatuor mundi plagas flectentes recitabimus tria *Pater, & Ave* cum totidem: *Benedicamus Patrem, & filium cum Spiritu Sancto in secula seculorum, Amen.* Ubique offenditur Deus! Nunquam ergò otietur pietas, & Christiana virtus.

III. Ut



## III.

**U**T Hunnos vinceret S. Udalricus, ab Angelo S. Crucem accepit, & inimicos Christiani Nominis à patria gloriose ejecit. Fili! Amamusne Vexillum S. Crucis? & tamen nobis timemus inter inimicos? O nos modicæ fidei! miles in conspectu Ducis spernit vitæ pericula: & Christianus in præsentia Christi Crucifixi contremiscat? Ubi fides? Spes ubi? qualis Charitas?

*Instructio meritoria.*

Detestemur nostram pusillanimitatem, & inordinatam tristitiam tempore adversitatum: Resumamus animos cum spiritu, & audacter pro Deo, cælo, & nostrâ decertemus æternâ gloriâ. Quibus signis, aut armis? Manè & nocte nos, & cubiculum nostrum signemus quàm diligentissimè illa pronuntiantes: verba: *Jesus Pax Domini Nostri Jesu Christi; & Virtus Sacratissima Passionis ejus; signum S. Crucis, & titulus triumphalis: Jesus Nazarenus Rex Judæorum &c.* Ecce! Crucem Domini! Fugite partes adversæ!

Fe-



Festum S. Wilibaldi Ecclesie  
Eystettensis primi Episcopi, &  
Patroni.

EXHORTATIUNCULA I.

**H**Æres nascitur Wilibaldus Regni  
Anglici. At maluit pro Christo  
exulare, ut cœlum pro terra emeret. In  
exilio vivimus, mi dilecte fili! Et tamen  
hoc flebile exilium plùs quàm patriam  
& cœlestem Jerusalem diligimus! Plùs  
mundi bona, & corporis commoda qua-  
rimus, quàm beata gaudia, eaque im-  
mortalia. Hinc timendum, ne utraque  
perdamus!

*Instructio meritoria.*

Ut Eystettensium Ecclesia Deo sem-  
per maneat junctissima per fidem, & sa-  
cra Evangelia, oremus *Officium de SS. SS.  
Trinitate*, cui S. Wilibaldus omnia Reg-  
na mundi postposuit, spectaculum factus  
contemptus sui sæculo, & cœlo. De-  
ferenti seipsum proximus semper est  
Deus.

II. Quid



## II.

**Q**uid video? cum Patre Richardo, sceptrô, & coronâ pro Christo positis, abeunt & liberi, unanimes paterni consilii comites. O cœlestes, & mundo majores animæ, quas nec caperent ampla regna, quibus nil præter cœlum sufficeret! Fili! Et cur nobis non sufficit? Quia toti in- & de mundo sumus, ac vivimus. Hora est! Tandem deseramus, ne deseramur ab eo. Unum ut fiat, expedit!

*Instructio meritoria.*

Frequenter suspiremus, & dicamus anhelantes: *Quemadmodum cervus desiderat ad fontes aquarum &c.* Et soli cum solo Deo agere discamus fugientes frequenter publicum. Et quem non poenituit fuisse inter mortales? Fugiamus, ut salvemus animas nostras. Conspergimus has lutô, quoties nimis familiares sæculo.

## III.

**F**oenerari discamus à S. Wilibaldo. Usurarius hic fuit, sed sanctus. Nam terram pro cœlo dedit, utque Deum



Deum inveniret, ac in ipso omnia, omnia præter Deum dimisit. Deum querimus & nos, ô fili! Sed cur non invenimus? Non omnia relinquimus. Est cor nostrum divisum inter Deum, & mundum. Et hoc displicet cælo. Totum debemus! Totum demus pro toto. Pars non sufficit illi, qui sua omnia obtulit pro nobis.

*Instructio meritoria.*

Renovemus hodie vota solemnialia. His jungamus Rhythmum S. Ignatii: *O Deus! Ego amo te! Nam prior tu amasti me! En! Libertate privo me, sponte vincetus sequar te.* Quoties in posterum S. synaxin sumimus, toties supplicemus pro heroico mundi, & nostrum ipsorum contemptu, & perfectissima abnegatione. Sine his & Deo, & homini displicemus.

**Festum S. Chilian** Herbipolensis Episcopi, & Martyris.

EXHORTATIUNCULA I.

**Q**uàm benè Paulus: Si hominibus placerem, Dei filius non essem. Idem



Idem & sibi S. Chilianus. Sanctitatis suæ fama undique sese diffundente, ut laudes effugeret, Præsulatum abdicat, & in Orientalem Franciam abic cum sociis. Amice! Quid nos inter adulatorum, & laudantium linguas? Quid inter mendacia? Ridet cor nostrum; dum tamen amarè flere deberet. Tot gladii petunt animam, quot ora laudantium. Non timebimus?

*Instructio meritoria.*

Ut salvemus Dei honorem, ad omnem hominum laudem taceamus, & Deum mentaliter alloquamur cum interno júbilo cantantes: *Te decet Laus! Te decet hymnus! Tibi gloria Deo &c.* Caveamus, ne & nos laudemus alios in hac vitâ. Fures, & latrones erimus meritorum, si ex numero adulatorum. In satisfactionem propriæ, & affectatæ laudis, sæpiùs *ad Gloria Patri*, si soli fuerimus, genuflectamus. Occulta pietas securior!

II.

**P**ROVERBIUM S. Chilianus erat: *Dilexi justitiam, & odivi iniquitatem.*  
GOS-



Gosbertum à consortio Geila absternit, quia in conjugem habere non licuit. Amice! Non debemus odisse homines, peccatores; sed vitia, & scelera. Qui odit fratrem, & proximum suum homicida est. Quid crudelius?

*Instructio meritoria.*

Ut regnet pietas, & amor in cordibus Christianorum; econtra verò percat omnis injustitia, persecutio, & odium unum, vel alterum actum virtutis oppositæ exerceamus, in Ecclesia quàm devotissimè, ac exemplariter nos geramus, & speciale SS. Rosarium ex hoc fine SSS. Trinitati offeramus. Expectantur à cœlo, & terra hæc charitatis obsequia. Quis negabit?

III.

**C**ecidit sub gladio in victimam filii zeli Divus Chilianus. Cecidit non sine percussorum, & impiæ Herodiadis vindicta, & confusione. Nunquam occidit virtus. Habet sui defensorem Deum, & cœlum. Hanc ô bone filii. Quæramus, diligamus, & custodiamus. Et non habet, quod sibi timeat. Sat  
fortis



fortis stat contra inferos, quem virtus  
armat propria.

*Instructio meritoria.*

Pro inimicis orare, & his benefacere,  
opus quàm Christianum, quàm sublime,  
& sanctum est. Hujus occasio non de-  
est. Utamur, & pro omnibus, qui un-  
quam bonis vel animæ, vel corporis nos  
offenderunt, unam sacramentalem (ô si  
hodiernam!) Deo donemus Commu-  
nionem, ut eis remittat propitium Nu-  
men cum culpa & promeritam pœnam.  
Si charitatem cupiamus duplicare, jun-  
gamus & ipsum sacrificium Missæ. O  
quale inde nobis in cœlo præmium?  
Audiemus: Infirmus fui, & visitastis,  
consolati estis me.

Commemoratio Solemnis Ma-  
gni Patriarchæ SS. Patris, & Ma-  
gistri Benedicti.

EXHORTATIUNCULA I.

**T**Ria debet filius Patri: *imitationem,*  
*amorem, reverentiam.* Has vir-  
tutes utique millies, ô dilecte in Domi-  
no! à nobis meruit Benedictus Pater  
cœlo,



408 XI. Julii. Commemorationis S. P. Ben.  
coelo, & mundo datus? Reddamus er-  
gò, quæ Benedicti sunt. Imitabimur  
verò, si speciales fuerimus Amatores  
Regulæ, & perseveraverimus strenuè in  
cocepta virtutis Benedictinæ semita. De  
generat, qui Patri vertit tergora.

*Instructio meritoria.*

Ut spiritus Almi Patris Benedicti  
dentius crescat in cordibus filiorum, fe-  
cram octavam instituamus, & quodam  
filialem commendationem ad eundem  
Gloriosum Patriarcham persolvamus  
certumque nobis constituamus nume-  
rum pro actibus Benedictinæ Modestia  
hīs octo diebūs fideliter exercendis  
Qualis Pater, talis filius: Ille modestis-  
simus; Simus & nos.

II.

Quale festum hodie? Fili devotissi-  
me! est Dies Commemorationis  
SS. Patris Benedicti. Et quid sibi  
hæc solemnitas? En! Mater nostra sua-  
vissima, Familia Benedictina se sistit  
gratissimam Deo, & Benedicto. Deo  
quia submisit S. Benedictum tempore,  
quò Romana periclitabatur Ecclesia  
S. Be-



XI. Julii. Commemorationis S. P. Ben. 409

S. Benedicto, eoquòd eos produxerit, mundòque genuerit viros, qui sapientiâ, miraculîs, & sanctitate multa millia Christo Jesu lucrati sunt animarum. Hic finis hodiernæ festivitatis. Fili! Matrem sequamur!

*Instructio meritoria.*

Hoc super Festi Mysterio toti gaudeamus, & post sacrificium Missæ gratitudinis locò hymnum: *Te Deum Laudamus* &c. intonemus cum renovatione solemnî S. Professionis. Caveamus, ne hodie sensuum, aut vitæ laxitate Deum, vel Magnum Benedictum offendamus. Beneficiis amor debetur, non injuria, vel turpis oblivio.

III.

**R**ecordemur Fili, quali in familia nobis vivere concessum? Recordemur, quibus sociati simus viris? Recordemur quantis privilegiis, & gratiis desursum & hi omnes beati, atque donati? Sed quid retribuemus? Familiæ nostræ Benedictinæ per exemplarem vitam, & Benedictinam humilitatem, ac obedientiam nos exhibeamus utilissimos. Hu-

S

mili-



militas, & obedientia lapides sunt angulares ædificii spiritualis ac Benedictini. Corruet sine illis.

*Instructio meritoria.*

Speciale pactum cum SS. Patre Benedicto, eundem per quamlibet septimanam die Mercurii devotius venerandum per hunc vel illum actum abstinentie, macerationis, humilitatis, vel fraternæ charitatis. Ex 12. gradibus humilitatis qui inveniuntur c. 7. S. Regulae, nobiscum nam constituamus specialem, & ad fontem, quam ad ortum diei tulerimus, addamus 12. *Ave* cum oratiuncula: *Excita quesumus, Domine, in Ecclesia spiritum &c.* Sic filios augebimus, & exaltabimus SS. P. Benedicti. Clamemus fervidi, ut audiamur.

**Festum Mariophili S. Bonaventurae** Doctoris Seraphici, & Cardinalis ac Episcopi sanctissimi.

EXHORTATIUNCULA I.

**E**N! genuinum Christi Jesu, & hujus Crucifixi discipulum! Ex vulneribus Crucifixi mirabilem suam haustu scien



scientiam cum omnimoda Dei sapientia. In iis cognovit, quomodo? Et quantum sit diligendus Jesus vir dolorum? In libris suis quid expressit S. Bonaventura? Inspice, & videbis non nisi Christum, aut pendentem de Cruce, aut delitescentem in amoris tabernaculo, SS. Altaris Sacramento. Ah! fili! ita & nos diligimus Jesum? Utinam! Sed quid respondet nimia sciendi aviditas, & affectata vana scientia?

*Instructio meritoria.*

Scientia sine dilectione fumus, & vanitas est! Ut evadamus eruditi secundum spiritum Christi, nunquam ad pulpita, & studia pergamus, nisi præmissis antea quinque Ave in honorem quinque vulnerum Jesu, adjuncto dilectionis Rhythmo: *Anima Christi sanctifica me.* Postea intellectum, voluntatem, & memoriam penitus consecremus Crucifixo. O sacrificium Jesu omni holocausto acceptius! Citò igitur ad victimam! Bis dat, qui citò immolat.



## II.

**O** Amor! Crucifixus instruit & suum dilectum Bonaventuram. In quo? In profundâ humilitate, amore propria vilipensionis, & contemptu omnis dignitatis. Fili! quod officium? Quis honor? Quæ gloria, cui non inhiamus ardentissimi? Et tamen credimus, nos vere discipulos Christi, & quidem Crucifixi? Quæ deceptio?

*Instructio meritoria.*

Ut nos sicut boni in schola Divini Magistri discipuli vivamus, nosque omnibus viliores & inferiores corde, & ore intimo credamus affectu animi, die sacramentalis Communionis specialiter à Deo Eucharistico petamus gratiam perfectæ cognitionis, & vilipensionis respectu nostrum. Ut eò certius impetremus, septem Pater & Ave subjungamus pro lucrandis indulgentiis. Ubi puritas, ibi & humilitas.

## III.

**D**idicit & à Christo hic magnus Ecclesie Doctor, quàm hilariter, ac constanter se habeat tempore adversita-

tis



tis, aut miseræ. Afflictiones probant  
Christi discipulum : Quid nos ? Declinamus : fugimus : indignamur. O fili ! Quantum distamus à schola, & doctrinâ Crucifixi Jesu !

*Instructio meritoria.*

Sed non penitens refugiamus ! Accedamus propius & quoties vehementia passionis, & turbo motus rebellantis cor obruit, & invadit, non loquamur, sed aut taceamus, & quiescamus, aut aliquid ex pio libello legamus, aut ad Sanctissimum Altaris Sacramentum properemus, clamantes cum afflictio illò Evangelicò : *Domine Jesu ! O Fili David ! vim patior ! Miserere mei ! Responde pro me !* Non redibimus sine solatio, nec sine victoria. Persolvatur in afflictione Psalmus : *Domine ! quid multiplicati sunt &c.*



Festum S. Henrici, Imperatoris Castissimi, & Angelicæ Benedictino-Bavaricæ Congregationis Patroni gloriosissimi.

EXHORTATIUNCULA I.

**E**N! rosam sine spina. Ecce! conjugem, Imperatorem, virum; sed vide & angelum, quia Virginitatem secum tulit ad tumulum! grande castitatis prodigium! Et hoc unde S. Henrico! à Dei gratia, & custodia sensuum. O fili! quis non honoret & veneretur tantum castimoniam speculum? Sequamur! Oculos claudamus! Sensus contrahamus! Et moriemur ut Virgines. Aureola jam in coelo nos expectat asservata.

*Instructio meritoria.*

Vir castus Deo corpus suum exhibet hostiam viventem. Ut offeramus & nostrum, aut actum petamus à Patre Spirituali sacri rigoris; aut alicujus mortificationis in cibo. Virginitas timorem, & ruborem amat; Odit verò effusionem, & laxitatem corporis. Re-  
prima-



primamus, ne recalcitret. Recitentur  
Lytaniæ de omnibus SS.

## II.

**T**utores sunt castarum animarum  
Sancti Henricus, & Chunegunda.  
O quàm generosæ non vivebant hæ ani-  
mæ! Possidebant mundum, & amore  
Jesu conculcabant pedibûs, contentissi-  
mæ, quòd liceat illum fugere. Si nos  
essemus in tanta substantia rerum, &  
opum, Bone! Quid ageremus? Chri-  
stum, & animam fortè sperneremus, &  
his solis fortasse adhæreremus sensuali-  
bus bonis! O quàm viliter nostras tra-  
ctamus animas!

*Instructio meritoria.*

Sanguinis Jesu respiciamus pretium,  
& ut semper animam castam, mundam,  
& sanctam possideamus, ab actibus sæ-  
culi nos separemus, ecclesiam, atque  
altaria visitemus, & pro obtinendo con-  
temptu sæculi *Offitium minus* de ani-  
mabus defunctorum persolvamus. De-  
scendamus ad purgatorium, & haud  
amabimus amplius mundum.



## III.

**S** Henricus nihil sine precibus aggredi solitus, Angelum Domini, sanctosque Martyres Tutelares pro se pugnantes antè aciem admirabundus conspexit. Oratio coelum aperit, & Deum attrahit. O fili! Stamus in pugna: Et o quali! undique hostes! Pericula undique! Et Dei non recordamur? Animum ponimus? Preces, & confidentiam spontè derelinquimus? Siccitate sperandus Angelorum succursus?

*Instructio meritoria.*

Deploremus nostram ignaviam, & quidquid hodie aggrediendum, flexis genibus, ut in honorem Domini Dei, & multarum animarum salutem cedat, priùs ardenti supplicatione invocemus Divinam assistentiam per officium de Spiritu Sancto. Hic spirat, ubi amatur.

Solem.



Soleninis Commemoratio Be-  
atissimæ Virginis Mariæ de Monte  
Carmelo.

EXHORTATIUNCULA I.

**E**Cce! Mater nostra! verè dicitur  
Mater pulchræ dilectionis, & timo-  
ris, & Agnitionis, & sanctæ spei. Quid  
põuit dare Maria nobis filiis, & non de-  
dit? Hodie accipimus S. scapulare, fig-  
num salutis certissimum. Quid retri-  
buemus?

*Instructio meritoria.*

S. Scapulare à manè & nocte venera-  
bimur quotidie osculõ humillimõ cum  
dicto: *Sub tuum Præsidium confugimus  
Sancta Dei genitrix.* In gratiarum  
actionem dati tam pretiosi muneris *Te  
Deum Laudamus* cum formula votiva  
coram icone Beatissimæ Virginis pera-  
gamus. *Lauda Sion Genitricem! Nec  
laudare sufficis.*

II.

**F**ili! quàm verè gloriatur de se Maria  
dicens: *Spiritus meus super mel  
dulcis, & hereditas mea super mel, &  
S s favum.*



*favum.* Hoc si unquam gustavimus certè in S. Scapulari gustavimus; Unde enim tanta non rarò nausea mundanorum, & amor Cœlestium nisi à Præsidi Cordis nostri, Sancta Maria occurrente nobis de monte Carmelo? Surgamus curramus ad eam!

*Instructio meritoria.*

Quoties hodie Nomen audierimus Mariæ, sine mora detegamus, & in venerationem filialem nostra inclinemus capita, sæpiùs cœli Reginam saluantes Antiphonâ illâ amorosâ: *Sancta Maria! succurre miseris! Et percipiemus amabilem Deiparæ vocem: Ego diligentes me diligo.*

III.

**O** Simus cultores S. Scapularis! firmi & custodes illius vigilantissimi Mariam portamus in pectore, filiam quamdiu non dimittimus S. Scapulare. Et inde qui fructus: Maximi! promissus. Ipsa Alma parens, dum dixit: *Qui operantur in me, non peccabunt. Et qui elucidant me, ac S. Scapulare, habebunt*



bunt vitam æternam. Grandis promissio! concordet & nostra operatio,

*Instructio meritoria.*

Hodie si transeamus Imaginem Cœlorum Dominæ, flectamus genua, & salutemus Mariam suspirando: *Salve Regina, Mater Misericordiæ!* Addamus 5. Psalmos Nomen Mariæ exprimentes. Hoc cœlites benedicunt! Inferi metuunt! Clientes suspiciunt! Filii extollunt! Famuli colunt & diligunt.

Festum S. Margarethæ Virginis & Martyris, Advocatæ pro tempore mortis Benignissimæ.

EXHORTATIUNCULA I.

**O** Prodigium Christianorum in Virgine Margareta! A patre tentatur pro adoratione idolorum. Ni obediret, tormenta, carceres, mortem minatur Sed in promptu erat responsio: *Non decet Deum derelinquere vivum. Auxilium meum à Domino!* O fili dilecte! adest occasio peccandi, Deum deserendi, gratiam perdendi? Hanc S. Margarethæ nobis applicemus tesseram, & in cu-



ius conspectu peccemus, seriò cogitemus. In oculis erubescimus hominum: Quidni & praesentia videntis, & iudicantis omnia Dei?

*Instructio meritoria.*

Si unquam, hodie in oculis Dei ambulamus nobiscum! Tentatori in primo statim assultu resistamus, respondentes audacter: *Non decet! Patrem colo in caelis.* Si autem lapsi fuerimus ex fragilitate humana, non desperemus, sed in genua provolvamur, culpam deprecemur, S. Confessionem promittamus, & expansis brachiis, psalmum *miserere* dicamus. Hunc ut deferat ad thronum Dei, humiliter S. Margaretam rogemus.

II.

**A** Mor Christi foras mittit timorem. Stat tenera Virgo coram tyranno, interrogatur de religione & fide: En. Quid puella modica: *Ego sum de nobili genere nata, nomine Margareta, conditione Christiana.* Hæc eadem, & mihi & vobis ò fili! nobilitas est. O si minùs Christianè vivendo non degenerare-



raremus. Avertat Deus! Excelsos possidemus animos! non inter mundi sepeliamus stercora!

*Instructio meritoria.*

Lætetur, si in nostra humilitate, & simplicitate cordis derideamur ab aliis. Non decet propter hominem deserere virtutem. Satis felices sumus, si æstimemur á Deo. Verum mundi, & nostrum ut obtineamus contemptum, S. Margaretam veneremur *Speciali Rosario* in Ecclesia, vel in privato cubiculo fideliter persolvendo. *Spernere mundum, spernere nullum, spernere sese; spernere se sperni, quatuor ista beant.*

III.

**O** Potens Dei gratia, hæc tot inter horrenda S. Margaretam servavit crudelitatis tormenta. Servavit; quia Deo unicè confidit. Nostra quæ est æstimatio de Dei gratia? Vix non ludimus; quia parum curamus. Non terreat nos S. Bonaventura dicens: *Tanta est crudelitas diaboli, quòd nos omni hora transglutiret, nisi Divina protectio nos custodiret.* Et tamen nobis fidimus?

S 7

Sed



Sed nostro cum damno; quia eò frequentius cadimus.

*Instructio meritoria.*

Fili! dæmonem sibi graviter insultantem solo S. Crucis signò à se abjicit S. Margareta. Non simus sine Crucifixo. Portemus in pectore! Veneremur in cella. Exosculemur in tentatione cum suspirio: *Jesu! ad adjuvandum me festina! Vim patior pro te!* Recitemus psalmum: *Qui habitat in adjutorio altissimi, in protectione Dei commorabitur &c.* Ne prævaleat inimicus animæ in morte, singulis annis hoc festum eor. S. Confessione, aut unò, vel alterò mortificationis, & abstinentiæ actu honoremus, & veneremur. Margareta est Nomen ejus, appetiemur!

Festum S. Mariæ Magdalena  
poenitentium speculi.

EXHORTATIUNCULA I

**F**ili! Videmus poenitentem ad pedes Jesu Mariam Magdalenam. Quis sensus noster de tam subitanea conversione, & poenitentia? Tantùm profuit,  
ante



ante Jesum sese humiliasse! Capita superba! vos quoque deprimite! Quotidie Jesum adoramus, palpamus, imò manducamus sub speciebus panis, & vini: Cur nulla sequitur seria morum conversio, & pœnitentia vitæ? Deest fides! Quia non vivaciter aspiciamus, quis nostra inhabitet corda? O nos incredulos!

*Instructio meritoria.*

Capita inclinemus, oculos in terram defigamus, gravitati, & modestiæ angelicæ studeamus, dum coram sanctissimo Venerabili in Ecclesia stamus, vel oramus. Dum recedendum è templo, pro Custode Tabernaculi S. Mariam Magdalenam relinquamus, utque interim, dum abfuerimus, cum tota cœlorum curia adoret, laudet, & glorificet Jesum, fraternè supplicemus. In reverentiam tanti obsequii festum hujus Sanctæ semper præveniamus nocturnò jejunio cum illo psalmò: *Benedic anima mea Domino &c.* O devotionem animæ fructuosissimam!

II. Se-



## II.

**S**ecuti sumus Mariam in peccando sequamur & pœnitendo, ac amando, ut vel sic cum ea audiamus in lectulo, & horâ mortis ex ore Divini Judicis: *dimissa sunt tibi peccata; Quia dilexisti multum.* Hæc vox promissa est seriò pœnitentibus.

*Instructio meritoria.*

Misereamur ergò animæ nostræ; misereamur & aliorum gravissimorum peccatorum, pro quorum illuminatione, compunctione, & conversione coram Sanctissimo, vel aliquo Crucifixo recitabimus *Septem psalmos pœnitentiales.* Addamus & unum vel alterum actum rigoris, & discretæ austeritatis. Peccavimus in carne! pœniteamus quoque de carne.

## III.

**Q**uod quondam periclitanti animæ hoc dat & nobis monitum S. Magdalena, quæ ita ad miserellum: *Hactenus, quia coluisti me, pro te fui apud Deum in cælis mediatrix, & advocata. Surge jam, conscientia noxas detege, pœnitentiam*



*tiam age, nec ego te deseram.* Quis sub  
tanta Patrona vivere, vel mori timeat?

*Instructio meritoria.*

Ab hac die discamus S. Magdalenam  
venerari, certam hujus imaginem nobis  
procurare, vel etiam ad aras hujus No-  
mini sacras frequenter invisere, & quo-  
tidie pro impetrando perfecto horrore  
omnis peccati, solido sæculi contemptu,  
& puro ac genuino Dei amore magnâ  
pietate & affectu expansis brachiis *tria*  
*Pater, & Ave* cum totidem *Gloria Pa-*  
*tri &c.* persolvere statuamus. Deus ho-  
noravit Magdalenam: Cur non & homo?

Festum S. Jacobi Hispaniæ

Magni Apostoli, & Protectoris.

EXHORTATIUNCULA I.

**S**umusne amici Christi? Dilecte! Fuit  
S. Jacobus, qui & usque ad mortem  
Magistro in fide, & dilectione fidelis ex-  
stitit. Quàm benè Cassiodorus: *Qui*  
*verè amicus est, omni tempore tam sere-*  
*no, quàm nubilo diligit.* Eum non se-  
parat tormentum, labor non laxat, the-  
saurus non superat, alienus amor non  
occu-



occupat. O fili! Non erimus amici  
erga Jesum tam veri, & fideles?

*Instructio meritoria.*

Adlaboremus! Sedemus ergo in te-  
nebris? Laudemus Deum, & gratias age-  
mus. Exultamus in prosperis? Time-  
mus, quia proximi sumus lapsui. An-  
artium est, in felicitate non dissolvi, &  
in desolatione non dejici. Hujus Mag-  
istros habemus duodecim Apostolos. U-  
nos suscipiant in discipulos, 12. *Pater*  
& *Ave* cum *Te Deum Laudamus* per-  
solvamus. Hi nostri à latere sint socii  
& Magistri!

II.

**O** Quantus erat labor S. Jacobi in  
convertendis gentibus, & populis.  
At profecit modicè, ut Sancti probaret  
virtutem Deus. Amice! faciamus, quod  
possumus, & debemus in munere no-  
stro. Si respondeat fructus, glorifice-  
mus, & benedicamus Dominum. Sin-  
minùs, ne doleamus. Placet Deo sate-  
cta voluntas. Negat fructum, ne super-  
biendò rapiamus honorem, & gloriam  
Deo



Deo. O mirabilem circà nos Dei providentiam!

*Instructio meritoria.*

Rerum exitus dependent à Deo. Nostrum est, acquiescere hujus sanctissimæ voluntati. Orare tamen expedit, & nostra sæpiùs cœlo, & Deo commendare munera, atque officia, pro quorum gloriosa expeditione aut sacrificium Missæ, aut sacramentalem communionem cum Lycaniis de omnibus Sanctis offeramus. Sine Deo, sine cœlitum patrociniò nihil.

III.

**N**escitis, quid petatis. Quem ferit hæc Christi objurgatio? Nos ipsos. O fili! Erramus, si aliud petamus, quàm pati cum- & pro Christo, & sic intrare in gloriam Christi. Discamus itaque multa pati pro Nomine Jesu. Discamus malum pro malo non reddere, injuriam non facere, sed & factam fortiter sufferre: Discamus inimicos diligere, maledicentes non remaledicere. Ecce! Quæ nostra obligatio?

*In-*



*Instructio meritoria.*

Dum soli sumus in cubiculo, affue-  
mus frequenter expansis in modum Cruci  
brachiis adorare Crucifixum sub quo  
*que Pater & Ave*, supplicantes pro  
no, & gratia Christianæ fortitudinis,  
patientiæ tempore aduersitatis, & delib-  
tionis. Assuescamus & ad quemcumque  
que afflictionis casum laudare Dom-  
num, statim dicendo: *Deo gratias.*  
*Quod placuit Domino, factum est!*  
*Nomen Domini Benedictum!* Hic  
Sanctorum est. Cur non & nostrum?

**Solemnitas Sanctissimæ Annæ  
Christi Jesu Avix, & Beatissimæ Vir-  
ginis Mariæ Matris glorio-  
sissimæ.**

## EXHORTATIUNCULA I.

**B**ona est oratio cum jejunio & ele-  
mosyna, ait Tobias. SS. Annæ  
postquam viginti annos in jejuniis,  
precibus exegisset, denique à probro  
rilitatis liberata est. Dilecte! spem  
abjiciamus, si nos non citò audiat Deus.  
Impetrabimus, si oraverimus cum cor-



stantia. Sæpè si petita differuntur, commutantur in meliora : Et non rarò majora accipimus, quàm fortè desideraverimus antea.

*Instructio meritoria.*

In honorem totius Consanguinitatis Jesu, Mariæ, Josephi, & SS. M. Annæ per annum die Martis Lytanas recitemus de his SS. Personis, quas vel in legibus Marianis, vel in *Mane nobiscum* reperiemus. In Cœlo sunt nobis Consanguinei alii. Obliviscamur mundanorum!

II.

**P**ro sublato sterilitatis probro quid obtulit S. Anna? Quod habuit optimum, Filiam Mariam. O fili! quæ hæc confusio nostra? Quanta & illa sunt beneficia, quæ desursum accepimus omni momento, & adhuc incessanter accipimus. Et nos vix recordamur? Imò his ipsis donis utimur ad contumeliam Benefactoris malè vivendò. O iniquitatem!

*Instructio meritoria.*

Tollamus, & satisfaciamus, & per hanc Octavam quotidie cum aliquo abstinentiæ, vel alterius mortificationis actu no-

*ven*



vem *Pater & Ave* in honorem nominum mensium, quibus Beatissima Virgo concepit in utero SS. Annæ, persolvamus. fine addamus *Magnificat*. Multum datur parentem, qui ore Filia.

## III.

**D**ilectissime! Scimus utique, quomodo possit Maria coram Filio Jesu. Quid ergo & poterit Avia tota Venabilis coram Nepote Dei Unigenito, & Sancta scilicet Anna? Accedamus, & Annam in Matrem eligamus, & prætium cum tota SS. Consanguinitate ad vitulum mortis invitemus. Suavis est ultima lucta, si inchoetur præsentem Aviam.

*Instructio meritoria.*

Assister, & consolabitur nos in nostris angustiis constitutos, si diebus illis antè cubitum accenderimus ceram quendam S. M. Annæ dicatum, & *Pater & Ave* cum oratiuncula ex *Magnificat* nobiscum defumenda recitaverimus. Quia S. Annam diligit, Jesum, & Mariam. Quis lit. Hoc cultu quid delectabilius?



Festum S. Ignatii Loyolæ So-  
cietatis Jesu Fundatoris zelosissimi.

## EXHORTATIUNCULA I.

**M**irabilis Deus in vocationibus suis !  
Ignatius vulneratus decumbit gra-  
viter, & incidens in librum spiritualem  
ad Christi, & Sanctorum sectanda vesti-  
gia mirabiliter exarsit. O gloriosum vul-  
nus, quod genuit virum & mundo, &  
Ecclesiæ pretiosissimum.

*Instructio meritoria.*

Quæ cura vocationis nostræ ? Ut sit  
maxima, officium minus offeramus SS.  
Patri Ignatio cum filiali statûs, & neces-  
sitate nostræ commendatione. Quod  
officium continuabimus per octo dies.  
Meretur amari hic Vir.

## II.

**P**RO Christo quid non egit ? Quid  
non sustinuit, & passus est S. P. Ig-  
natius ? injurias, contumelias, illusio-  
nes, carcerem, vix non ipsam mortem.  
Et hæc quô animô ? Hilari, & pacifico.  
Deum inde magis laudavit, & ut glori-  
ficarent quoque alii, suam admirabilem  
pa-



patientiam, & humilitatem quasi pro  
 hereditate nobis reliquit desuper mo-  
 nens: *Omnia ad majorem Dei gloriam*

*Instructio meritoria.*

Quis sine afflictione? Nec Dei filius  
 Sed hanc fortiter pati pro Nomine Je-  
 su cum S. Ignatio, ars artium est. Huius  
 ut nos exhibeamus discipulos, tempo-  
 rum adversitatis non gemitus, non lacrymas  
 non singultus, aut querelas, sed S. Ig-  
 natii utamur tesserâ jucundantes: *Pe-  
 riar! vilipendar! despiciar! preme-  
 riar!* Et haec omnia ad majorem Dei gloriam  
 Annectamus *Officium minus* de dulcissi-  
 mo Nomine Jesu cum *Te Deum Laudamus.*  
 Quàm delectabile pati cum  
 pro Christo!

III.

**F**ili! debitores sumus, non mundo  
 sed S. P. Ignatio. Societatem Je-  
 su instituit, & in hac scholam nobis ap-  
 paruit omnis virtutis, sapientiae, & pietatis.  
 Planè quod quondam haereticus de  
 S. Thoma, id & jure optimo enuntiavit  
 de S. P. Ignatio: *Tolle Societatem, &  
 dissipabo Ecclesiam.* Gratulemur illi  
 filiis



filiis : Gratulemur & matri Romanæ  
Ecclesiæ, &

*Instructio meritoria.*

Jubilemus hodie in Domino, intonan-  
do *Te Deum Laudamus*. Et ut inclyta  
societas in spiritu, zelo, & fervore crescat  
Apostolico, sacramentalem Commu-  
nionem cum operibus totius diei SSS.  
Trinitati offeramus. Decet in Deo co-  
lere, & venerari sanctos, præsertim Pa-  
tres multorum filiorum Christo, & cœlo  
renatorum.

AUGUSTUS.

Festum S. Petri ad Vincula.

EXHORTATIUNCULA I.

**F**lli! libertatem nobis dedit Deus. At-  
tendamus, ne perdamus peccan-  
dò, sicque voluntariè in servos diabolo  
nos mancipando. Servitute hac quid  
infelicius? Ut evitarent Sancti, quid non  
egerunt? Quantum vitæ rigorem in se  
non susceperunt? Et servitutem adeò  
amaram ac flebilem nos (ô cœcitas!)  
sponte quærimus, & quæsitam diligi-

T mus?